

Rikoksia etukätheen estävä neusto/(Brottsförebyggande rådet, Brå) oon viranomhainen joka tekkee työtä sen etheen ette rikolisuus yhtheiskunnassa vähenee. Sen met tehämä niin, ette otama framile faktaa ja levitämmä tietoa rikolisuudesta ja rikoksia etukätheen estävästä työstä.

Brå auttaa viranomhaisia niinku poliisi, syyttäjät, tuomioistuimet ja kriminaalihuolto arvioimalla mikkä työmenetelmät toimivat parhaiten ja tutkimalla sitä kuinka suuri luottamus ihmisillä oon heihin. Met annama kans tukea paikalisele rikoksia etukätheen estävälle työle.

Brå:la oon vastuu Ruottin julkisesta rikosstatistiikasta. Siittä saattaa muumuassa nähä kuinka monta rikosta viimi vuona oon ilmoitettu.

Kontaktia Brå:n kans

Osote: Brottsförebyggande rådet, Box 1386, 111 93 Stockholm.

Käyntiosote: Tegnérsgatan 23, 2 tr.

Telefooni väkselhiin: 08-401 87 00

Faksi: 08-411 90 75

e-posti: info@bra.se

www.bra.se

Oikeuslaitos

Brå kuuluu oikeuslaitoksheen, jossa oon monta viranomhaista jotka tekevät työtä sinun turvalisuuen ja varmuuen puolesta yhtheiskunnassa. Net vastaavat muumuassa siittä ette rikoksia etukätheen estethään ja siittä ette rikokset tutkithaan, rikoliset teot käsitelheään tumioistuimissa, ja net valvovat ette rangastukset jotka oon tuomittu kans totheutethaan ja net valvovat rikosuhritten oikeuksia.

Oikeuslaitoksella meinathan näitä: Poliisi, Syyttävöviranomhainen, Oikeusmetesiinilaitos, Eko-rikosviranomhainen, Kriminaalihuolto, Ruottin Tuomioistuimet, Rikoksia etukätheen estävä neusto ja Rikosuhriviranomhainen. Se oon Jystiitsiedeparttementi jolla oon vastuu oikeuslaitoksen viranomhaisista.

Oikeuslaitoksella meinathan näitä: Poliisi (Polisen), Syyttävöviranomhainen (Åklagarmyndigheten), Oikeusmetesiinilaitos (Rättsmedicinalverket), Eko-rikosviranomhainen (Ekobrottsmyndigheten), Kriminaalihuolto (Kriminalvården), Ruottin Tuomioistuimet (Sveriges Domstolar), Rikoksia etukätheen estävä neusto (Brå) ja Rikosuhriviranomhainen (Brottsoffermyndigheten). Se oon Jystiitsiedeparttementi (Justitiedepartementet) jolla oon vastuu oikeuslaitoksen viranomhaisista

Oletko sie joutunu rikoksen kohtheeksi?

Jos sie olet joutunu rikoksen kohtheeksi, sinun pitäs niin kierästi ko maholista ilmoittaa siittä poliisille siinä läänissä jossa rikos oon tehty.

Jos rikos oon menheilä justhiinsa nyt, soita 112.

Muuten sie soitat telefooninumehroon 114 14 eli käyt lähhiimällä poliisiasemalla.